

REGLUGERÐ

um bann við tog- og línuveiðum norður af Horni.

1. gr.

Frá og með 30. september 1993 eru allar veiðar með fiskibotn- og flotvörpu ásamt línuveiðum bannaðar á svæði norður af Horni, sem markast af línu, sem dregin er um eftirgreinda punkta.

1. 66°36'40 N – 23°22'00 V
2. 66°42'50 N – 23°42'50 V
3. 66°57'50 N – 22°00'00 V
4. 67°02'00 N – 22°00'00 V
5. 67°02'94 N – 21°45'00 V
6. 66°29'20 N – 21°45'00 V

Að sunnan afmarkast svæðið af línu sem dregin er í 12 sjómílna fjarlægð frá viðmiðunarlínu sbr. lög nr. 81/1976, um veiðar í fiskveiðilandhelgi Íslands.

2. gr.

Brot á ákvæðum reglugerðar þessarar varða viðurlögum samkvæmt ákvæðum laga nr. 81, 31. maí 1976, um veiðar í fiskveiðilandhelgi Íslands. Með mál út af brotum skal farið að hætti opinberra mála.

3. gr.

Reglugerð þessi sem sett er samkvæmt ákvæðum laga nr. 81, 31. maí 1976, um veiðar í fiskveiðilandhelgi Íslands öðlast gildi frá og með 30. september 1993. Jafnframt er felld úr gildi reglugerð nr. 284, 20. júlí 1993, um bann við tog- og línuveiðum norður af Horni.

Sjávarútvegsráðuneytið, 29. september 1993.

F. h. r.

Jón B. Jónasson.

Kristín Magnússon.

REGLUGERÐ

um breyting á reglugerð nr. 352, 30. ágúst 1993 um bann við togveiðum á Papagrunni og Berufjarðarál.

1. gr.

Í stað: „30. september 1993“ í 1. mgr. 1. gr. reglugerðarinnar komi: 31. október 1993.

2. gr.

Brot á ákvæðum reglugerðar þessarar varða viðurlögum samkvæmt ákvæðum laga nr. 81, 31. maí 1976, um veiðar í fiskveiðilandhelgi Íslands. Með mál út af brotum skal farið að hætti opinberra mála.

3. gr.

Reglugerð þessi er sett samkvæmt ákvæðum laga nr. 81, 31. maí 1976, um veiðar í fiskveiðilandhelgi Íslands til þess að öðlast þegar gildi og birtist til eftirbreytni öllum þeim, sem hlut eiga að máli.

Sjávarútvegsráðuneytið, 29. september 1993.

F. h. r.

Jón B. Jónasson.

Kristín Magnússon.

GJALDSKRÁ

fyrir heilbrigðiseftirlit í Kópavogskaupstað.

1. gr.

Bæjarstjórn Kópavogs er heimilt að innheimta gjöld samkvæmt gjaldskrá þessari af fyrirtækjum í Kópavogskaupstað sem háð eru starfsleyfi og/eða eftirliti heilbrigðisnefndar, skv. lögum nr. 81/1988, um hollustuhætti og heilbrigðiseftirlit, ásamt síðari breytingum.

2. gr.

Eftirlitsskyldum fyrirtækjum skal skipt í fimm flokka eftir gerð þeirra í samræmi við fylgiskjal með gjaldskrá þessari. Heilbrigðisnefnd er heimilt að flytja einstök fyrirtæki milli flokka, ef umfang eftirlitsins breytist.

3. gr.

Af eftirlitsskyldri starfsemi samkvæmt 7., 8., 12., 13., 14., 15., 16. og 17. tl. 2. gr. laga nr. 81/1988, um hollustuhætti og heilbrigðiseftirlit skal árlega greiða eftirlitsgjöld sem hér segir:

1. flokkur	kr. 7 500
2. flokkur	kr. 15 000
3. flokkur	kr. 20 000
4. flokkur	kr. 30 000
5. flokkur	kr. 40 000

4. gr.

Fyrir starfsleyfi samkvæmt 9. gr. heilbrigðisreglugerðar nr. 149/1990 skal innheimta leyfisgjald við afhendingu leyfisbréfs svo sem hér segir:

1. flokkur	kr. 1 000
2. flokkur	kr. 2 000
3. flokkur	kr. 3 000
4. flokkur	kr. 4 000
5. flokkur	kr. 5 000

Ekkert starfsleyfisgjald skal greiða við endurnýjun starfsleyfis eða við eigendaskipti. Fyrir leyfi vegna breytinga á húsakynnum eða rekstri skal greiða hálf gjald og hið sama gildir um starfsemi, sem rekin er skemur en sex mánuði. Ef heilbrigðisnefnd metur breytingar smávægilegar er heimilt að lækka eða fella niður gjaldið.